

ამბროლაურის მუნიციპალიტეტის მერიის სამოქალაქო მრჩეველთა საბჭოს სხდომა.

ქ.ამბროლაური

2023 წლის 15 მარტი

ოქმი N 7

სხდომას ესწრებოდნენ:

1. ბესიკ ბაქრაძე-ამბროლაურის მუნიციპალიტეტის ხიდივრის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ კვაცხუაში,

2. მარიამ კერესელიძე-ამბროლაურის მუნიციპალიტეტის სადმელის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ ძირაგეულში,

3. ივანე სხირტლაძე-ამბროლაურის მუნიციპალიტეტის სხვავის ადმინისტრაციული ერთეულის წარმომადგენელი, მცხოვრები ამბროლაურის მუნიციპალიტეტის სოფელ სხვავაში,

4. ნინო ლაბაძე- ამბროლაურის მუნიციპალიტეტის ბუგეულის ადმინისტრაციული ერთეულის მოსახლეობის წარმომადგენელი, მცხოვრები ამბროლაურის მუნიციპალიტეტის სოფელ ბუგეულში,

5. სოსო ცხვედიანი-შპს „გეოფლაუერი“ -ს წარმომადგენელი;

6. თამარ მიქაუტაძე-ელბაქიძე- „აფხაზინტერკონტი“ -ის წარმომადგენელი;

7. ირინა კერესელიძე- არასამთავრობო ორგანიზაცია „წითელი ჯვარი“ -ს წარმომადგენელი.

ამბროლაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელი თამარ ქევანაშვილი.

დღის წესრიგი:

1. სამოქალაქო მრჩეველთა საბჭოს თავჯდომარის არჩევა.
2. სამოქალაქო მრჩეველთა საბჭოს თავჯდომარის მოადგილის არჩევა.
3. ამბროლაურის მუნიციპალიტეტში სოფლის მხარდაჭერის პროგრამის ფარგლებში 2023 წელს შერჩეული პროექტების ნუსხის გაცნობა.
4. სხვადასხვა.

სხდომას უძლვებოდა თავმჯდომარის მოვალეობის შემსრულებელი ირინა კერესელიძე.

დღის წესრიგით გათვალისწინებულ პირველ საკითხთან დაკავშირებით სხდომის თავმჯდომარემ აღნიშნა რომ იგი როგორც მოადგილე რამდენიმე თვეა ასრულებს თავმჯდომარის მოვალეობას და საჭიროებას წარმოადგენს თავმჯდომარის არჩევა. საბჭოს დებულების შესაბამისად კანდიდატის დასახელების უფლება აქვს 3 წევრს, შესაბამისად საჭიროა ასარჩევი კანდიდატის დასახელება.

საბჭოს წევრებმა - თამარ მიქაუტაძე-ელბაქიძემ, სოსო ცხვედიანმა და ბესიკ ბაქრაძემ თავჯდომარედ დასახელეს ირინა კერესელიძის კანდიდატურა.

მომხრე -7,წინააღმდეგი-0.

სამოქალაქო მრჩეველთა საბჭოს თავჯდომარედ არჩეულ იქნა ირინა კერესელიძე.

დღის წესრიგით გათვალისწინებულ მეორე საკითხთან დაკავშირებით მარიამ კერესელიძემ, ივანე სხირტლაძემ და ბესივ ბაქრაძემ დაასახელეს ნინი ლაბაძის კანდიდატურა.

მომხრე -7, წინააღმდეგი-0.

სამოქალაქო მრჩეველთა საბჭოს თავჯდომარის მოადგილედ არჩეულ იქნა ნინო ლაბაძე.

დღის წესრიგით გათვალისწინებულ მესამე საკითხთან დაკავშირებით საბჭოს წევრები გაეცვნენ 2023 წელს სოფლის მხარდაჭერის პროგრამის ფარგლებში დასახლებათა საერთო კრებების მიერ შერჩეულ პროექტებს. მთავრობის განკარგულებით ამბროლაურის მუნიციპალიტეტისთვის გამოყოფილი იქნა 734 000 ლარი, დასახლებათა საერთო კრება ჩატარდა 69 სოფელში და მოსახლეობის მიერ გამოვლენილი იქნა ის პრიორიტეტული პროექტები რომელიც 2023 წელს შესრულდება, ძირითადად სოფლების მიერ არჩეული იქნა სასმელი წყლის სისტემების რეაბილიტაციის პროექტები (ჯამში-27 სოფელში) მუნიციპალიტეტის ბიუჯეტით პროექტების თანადაფინანსებისთვის გათვალისწინებული იქნა 38 000 ლარი, შემდეგ სოფლებში ბაჯი-5000, ჭყვიში-5000 ლარი, ზედა ჭყვიში 5000 ლარი, საკეცია-3000 ლარი, ძირაგეული -10 000 ლარი, სხვავა 10 000 ლარი. მუნიციპალიტეტის მერიის მიერ საკითხი უახლოეს დღეებში წარედგინება საკრებულოს, რომელმაც განკარგულებით უნდა დაამტკიცოს „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ამბროლაურის მუნიციპალიტეტში დასაფინანსებელი პროექტების ნუსხა და თანადაფინანსებისთვის გამოყოფილი თანხა დასახლებების მიხედვით. (პროექტების ნუსხა ერთვის ოქმს).

მოისმინეს:

ამბროლაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელმა თამარ ქევანაშვილმა საბჭოს წევრებს მიაწოდა ინფორმაცია იმის შესახებ რომ 01 მარტიდან დაიწყო მუშაობა მუნიციპალიტეტის 2024 წლის პრიორიტეტის დოკუმენტზე, სამუშაო ჯგუფის შემადგენლობაში სამოქალაქო მრჩეველთა საბჭოდან შედის ირინა კერესელიძე, მოქალაქეებს შესაძლებლობა ექნებათ წარმოადგინონ თავიანთი ინიციატივები, მუნიციპალიტეტის ვებგვერდზე ambrolauri.gov.ge არის სპეციალური გრაფა - „ინიციატივები მოქალაქეებიდან“ რომლის მეშვეობითაც შესაძლებელი იქნება პრიორიტეტის დოკუმენტის შედგენაზე მომუშავე ჯგუფს მიეწოდოს გარკვეული ინიციატივები, ზუსტად როდის იქნება შესაძლებელი იდეების წარმოდგენა ინფორმაცია განთავსდება მერიის [facebook](https://www.facebook.com/ambrolauri/) გვერდზე და დამატებით ეცნობება მრჩეველთა საბჭოსაც, მრჩეველთა საბჭოსაც გააჩნია უფლებამოსილება წარმოადგინოს გარკვეული ინიციატივები რომელიც სამუშაო ჯგუფის მიერ იქნება განხილული, მნიშვნელოვანია 2024 წლის პროექტებისა და პროგრამების დაგეგმვაში ჩაერთონ მოქალაქეები, დააფიქსირონ ინიციატივები.

აზრი გამოთქვა: ივანე სხირტლაძემ (სხვავის წარმომადგენელმა) აღნიშნა რომ მოსახლეობას აქვს შენიშვნები ტრანსპორტის მოძრაობის გრაფიკთან დაკავშირებით, შაბათ დღეს არ არის საკმარისი ის

დროის შუალედი, 2 საათი, რომელიც რეისებს შორის არის გათვალისწინებული, მოსახლეობის საჭიროების მოსაგვარებლად, სოფლიდან ჩამოსული მოსახლეობა ვერ ასწრებს ავტობუსზე დროულად მისვლას, თუ შესაძლებელი იქნება შეიცვალოს ამბროლაურიდან სხვავის მიმართულებით ავტობუსის გასვლის დრო.

აგრეთვე პრობლემაა სოფელ სხვავაში წყლის ბასეინთან დაკავშირებით, არ არის საკმარისი წყალი, საჭიროა დროული რეაგირება, ზაფხულის სეზონზე შეიძლება სოფელი საერთოდ უწყლოდ დარჩეს, საჭიროა შესაბამისმა სამსახურმა დროულად შეისწავლოს საკითხი და მოგვარდეს პრობლემა.

აზრი გამოთქვა: ნინო ლაბაძემ და სოსო ცხვედიანმა - აღნიშნეს რომ წყლის პრობლემა აწუხებს ჭყვიშის და ბუგეულის ადმინისტრაციულ ერთეულის სოფლებს, განსაკუთრებით ზაფხულის პერიოდში იქმნება ცუდი მდგომარეობა, ხშირია შემთხვევები მაგისტრალზე თვითნებურად მიღების დაერთების და წყლის გადაკეტვის, საჭიროა რეაგირების განხორციელება პრობლემა რომ მეტად არ გამწვავდეს.

აზრი გამოთქვა: ბესიკ ბაქრაძემ ყურადღება გაამახვილა ქ. ამბროლაურში ვეტერანთა მემორიალური დაფის მოწყობაზე, აღნიშნა რომ შემოიტანს ვეტერანთა სახელით შესაბამის მოთხოვნას მერის სახელზე დაფის მოწყობასთან დაკავშირებით, შერჩეული აქვთ ადგილი კოსტავას ქუჩაზე თიბისი ბანკის გვერდით მდებარე სკვერში, შესაბამის სამსახურთან ერთად შესაძლებელია მოხდეს სხვა ადგილის შერჩევაც და დეტალური ხარჯთაღრიცხვის შედგენა.

აზრი გამოთქვა: თამარ ქევანაშვილმა აღნიშნა რომ დასახელებული საკითხები გადაეგზავნება მუნიციპალიტეტის მერს და ასევე შესაბამის სამსახურებს რომლებსაც ევალებათ პრობლემების მოგვარების მიზნით შესაბამისი რეაგირების განხორციელება.

შეხვედრის შეჯამების შემდგომ სხდომა დახურულად გამოცხადდა, თავმჯდომარემ წევრებს აცნობა რომ შემდგომი სხდომა ივნისის პირველ კვირაში გაიმართება, ხოლო ზუსტი თარიღის შეთანხმება წინასწარ მოხდება საბჭოს წევრებთან.

სხდომის თავმჯდომარე

ირინა კერესელიძე

/ ი. ქერესელიძე /

სხდომის მდივანი

მზია მიქაუტაძე

/ მზია მიქაუტაძე /